

名勝志

宮觀

後魏離宮

嵩山志卷之四寺本魏孝文帝離宮魏亡爲澄覺禪師

精舍隋文帝中賜名會善寺嵩嶽寺亦魏離宮

唐奉天宮

會善永淳元年七月造奉天宮於嵩山之陽玄宗元
年十二月廢文明元年二月改爲嵩陽觀

資治通鑑高宗作奉天宮監察御史裏行李善感其
上不納白褚遂良韓瑗之死中外以言爲諱數十年
年及善感始諫天下皆喜謂之鳳鳴朝陽

唐三陽宮

武后紀久視元年一月復於神都作三陽宮四月如
三陽宮

新府志宮在告成東五里石淙水上

宋崇福宮

元梁宜崇福碑崇福宮踞嵩嶽之麓卽漢萬歲觀唐
改曰太乙宋升爲宮以太乙毀改祈真又曰保祥左
右建真宗元神本輪二殿天聖中保祥北爲真宗御

容殿像真獻后於西閣帳內供設提舉管勾以主祝釐離宮掖其東殿閣千楹有奇累朝於此避暑有奕棋携蒲泛觴三亭

舊志崇福宮設提舉管勾諸官命朝臣掌之其負重望而忤時者悉投閒於此范希文仲淹韓持國維司馬君實光及子康呂獻可誨程太中珦及子伯淳顯正叔頤楊中立時李伯紀綱趙開封野李漢老邠朱晦菴熹曹簡甫產約徐允叔應龍劉德修光祖許成子奕崔正子與之倪正甫思王資道居安晁以道說之張文潛來前後凡二十二人

金承天宮

嵩山志承天觀金重慶元年建卽隆唐觀故址亦稱
承天宮

臺館室亭

周測景臺

李通志在登封縣東南古陽城縣內周公定此地爲
土中立土圭測日以驗四時之氣

杜氏通典儀鳳四年五月命太常博士姚元於陽城
測景臺立八表夏至日中測景尺有五寸與古法同
新唐書開元十一年詔太史監南宮說等於河南北
平地測日晷陽城晷長一尺四寸八分乃刻石表焉
采訪事實土圭之法有圭有表有臺八尺

臺上而與圭相準差以度日景漢唐之後遺臺
無所爲圭蓋與古測候異法今告成所存石表下有
臺承之上刻周公測景臺五字恐是姚元所立南
說刻之而周公之土圭舊制不可復覩矣

周觀星臺

一李通志在測景臺北周公所築

采訪事實考工記畫參日景夜考極星以正朝夕
晷曰於平準之地立南表日中時立中表於南表景
未夜依中表望北極極而立北表三表正直爲子午
正位素書指南曰以二至晷景之最短者爲正午夜
觀中表端與北極象值爲正子據此則臺當是立北

表以窺極星所用故名觀星也但今臺上有屋臺下有槽直下至地又有石尺三十六節相接連上劃二溜槽周四面頭相傳舊有挈壺在屋滴漏於石求刻以符日景空同子曰郭守敬量天尺樹嵩洛間守敬元人臺與尺或係元蹟據此則臺又非止爲窺極星用矣

漢登仙臺

玉海戴延之西征記漢武帝作登仙臺在少室峰下按玉海引西征記登仙臺在少室峰下又斷文謂淮南王安立思仙臺說嵩割裂上下文合爲一乃稱玉海曰思仙臺在少室峰下淮南王築遂使登封登仙

臺之外多一思仙臺如此率合後人不見原本何從
考辨耶

漢集仙臺

李通志集仙臺在登封縣東北八里漢武帝築

漢金蠶臺

李北海嵩嶽寺碑漢武帝建金蠶之臺

嵩書在縣北一里

漢王女臺

李通志在登封縣東四十五里與嵩高連亘漢武帝
東遊過此見仙女因名

三仙館

廣開鑿溫泉碑嵩山三仙之館不獨擅於天池

嵩山石室

嵩高山麓山下巖中有石室中有自然經書自然飲食

唐樾館

盧鴻一草堂十志樾館者蓋卽林取材基巔拓架以加茅茨居不期逸爲不至勞清談娛賓斯爲尙矣

唐瀑翠亭

避暑錄盧鴻草堂圖余往有慶歷中摩本亦名手精妙爲賀方回取去當時在許昌得請洞霄思卜築於此山一觀圖中草堂樾館杭州磴瀑翠亭等跡

不可及

按盧鴻當作盧鴻乙難翠亭別本俱作翠廳

唐襄荷亭

嵩山志張說有嵩山襄荷亭侍宴詩

按張燕公集無嵩山二字

唐盧鴻草堂

唐書隱逸傳盧鴻字顥然洛人徵諫議大夫請還嵩山勅有司治宅鴻自名其所居曰草堂聚生徒講習其中所著有十志

宋盡心堂

李通志在登封縣治宋縣令管景文建李豸作記

宋奕棋亭携蒲亭泛觴亭

元梁宜崇福宮碑三亭尙存

宋芝和亭甘泉亭

嵩書亦宋崇福宮內之亭甘泉在崇福宮後今爲日
龍廟

宋溫公別館

避暑錄溫公居洛遊嵩山疊石溪樂之復買地於旁
以爲別館然每至不過數日卽歸有暫來還似客歸
去不成家之句嘗攜邵堯夫來遊詩曰石下泉聲蔓
草深石上露濃蒼苔徧山鳥驚起飛且鳴葉墜空林
人不見康節詩曰雨纔並逝澄石豁斷崖還合與

飛泉亦有留人意肯負他年到此棲

按疊石谿在登封縣北名勝志入宜陽誤

宋吏隱庵

李通志吏隱庵在登封縣宋龐元常隱嵩山築此

宋張樞密庵

宋史張昇以樞密使清告給庵於嵩陽紫虛谷每晨起焚香讀華嚴庵中無長物布被革履而已年八十八餘歲卒諡曰康節

宅第

周鬼谷宅

名勝志鬼谷宅在登封北五里蘇秦事師習於鬼谷

卽此

神仙傳王訓楚人隱居韜知常人雲夢山後居陽城之鬼谷蘇秦張儀師事之

拾遺記儀秦嘗息大樹之下假息而寐有一先生問二子何勤苦也儀秦問子何國人曰吾生於歸谷亦云鬼谷鬼者歸也又云歸者谷名也卽探胸內得二卷書言輔時之事

按鄴侯外傳有竇延芝者分司洛邑常敬事葫蘆先生一日生言君家禍將成若非遇黃中君卽見鬼谷子可無患仍具其行貌衣飾戒以必求後泌入洛乘驟忽驚逸入尹所居必造門庭芝得延接贈遺甚厚

後庭芝陷降朱泚德宗命誅之泌具以前事聞諒之
帝曰黃中君指朕也未知呼卿鬼谷子爲何泌曰先
人墓在河清谷前恐以此言之據是則孟津亦有鬼
谷不獨登封也

唐田游巖宅

唐書田游巖傳帝嘗奉天宮游巖舊宅直宮左詔不
聽毀天子自書榜其門曰隱士田游巖宅

按游巖宅在奉天宮左奉天宮卽嵩陽觀在太室前
登封縣北通志記奉天宮游巖宅而曰在縣南箕山
何也蓋游巖舊宅通志誤合爲一也兩宅者一在
太室前一在箕山此游巖第居太室前奉天宮左後

自汝被召歸止許由祠旁自署曰由東鄰高宗幸其第存問其母游巖野服出拜曰臣所謂泉石膏肓烟霞痼疾者也許由祠蓋在箕山土

唐盧徵君宅

名勝志在登封東二十里唐書徵崇山處士盧鴻爲諫議大夫李太白贈鴻詩云陶令辭彭澤梁鴻出會稽我尋高士傳君與古人齊

按盧鴻宜作盧鴻乙

唐石門幽居

通志在登封縣潁陽北唐元丹邱別業李白詩故人精東山自愛邱壑美青春臥空林白日猶不起松風

清溪石

關要

漢陽城屯

方輿紀要初平二年袁術表孫堅領豫州刺史屯陽城袁紹尋遣周昂爲豫州刺史屯陽城堅擊昂走之

晉鄂關

晉書地理志陽城有鄂坂關

方輿紀要鄂坂關東出陽翟許昌之道晉齊王冏與兵許昌討趙王倫倫遣兵出鄂坂關拒之梁大通三年陳慶之送元頴北還至梁國魏人分兵鎮滎陽虎牢又使爾朱世承鎮鄂坂以備之唐乾元二年史思

明竊洛李光弼議去洛守河陽或曰東京帝宅不可
不守光弼曰守之則汜水嶢嶺龍門皆應置兵卽是
也

按鄂坂卽古轅轅今人猶呼轅轅爲嶠嶺口而方輿
紀要與明史地理志皆謂鄂坂關在登封東南箕山
上夫箕山上關爲石羊關乃古陽城關也與轅轅相
去數十里亦險要可守豈古人守轅轅必並守箕山
而箕山遂冒鄂坂之名歟石羊陽城關名並詳下

魏陽城關石羊關

魏書地形志孝昌中分陽城置康城有陽城關

方輿紀要石羊關在登封東南四十里在石險峻僅

客一車

按石羊關卽古陽城關在箕山上方輿紀要旣以礪坂屬箕山而又列石羊何耶

唐少林寺僧兵

方輿紀要少林寺背五郭峰元魏所建歷代嘗修之近代所稱少林寺之僧兵也

按唐太宗告相谷塢少林寺上座書法師等克建嘉猷同歸福地擒彼兇孽廓茲淨土今東都危急旦夕殄除並宜勉終茂功以垂令範此少林僧兵所由來也